



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann A

**21.05.2023 - 28.05.2023 - GRAN FESTA
DL'ASCENSIUN DAL SIGNUR - PALSACRUSC**

n. 26

Jide da düc i popui, fajede fora de düc mi discepui

📖 St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–20

Dal Vangele do San Mateo:

Te chël tëmp ¹⁶é i önesc discepui jüs tla Galilea sön chë munt che Gejù ti à dit. ¹⁷Y canch' ai à odü Gejù, s'ài inslenè dan da d'ël. Mo n valgügn dubitâ. ¹⁸Dailô ti é Gejù jü pormez y ti à dit: A mé m'él dè dõta la potesté tl cil y söla tera. ¹⁹Porchël jide da düc i popui y fajede fora de dõta la jënt mi discepui; batiedi tl inom dl Pere y dl Fi y dl Spirit Sant, ²⁰y insnedi da osservè dõt cí ch'i ves à dè sö. Cíarede: Iö sun cun os, düc i dis cína ala fin dl monn.



ANTIFONA

Os ëi de Galilea, cí stëise pa a cíarè sö a cil? Le Signur gnarà indô, sciöche i l'ëis ségn odü jon sö. Alleluia.

📖 *Letöres dla GRAN FESTA DE PASCA DE MA:*
St.Ap 2, 1–11 | 1 Cor 12, 3b–7.12–13 | Jan 20, 19–23

Edema liturgica dai 21.05. ai 28.05.2023

2023	Ora	Mëssa
GRAN FESTA DL'ASCENSIUN DAL SIGNUR - PALSACRUSC 21.05.2023 <i>De mondial dai mesi de comunicaziun soziai</i>	8.15	Zelebrazium dla parora de Dî Corona de má <i>8.15 – S.Mëssa a La Plí 10.00 - S.Mëssa a Rina (1. Comuniun)</i>
LÖNESC - 22.05.2023 <i>Rita da Cascia, Renata, Julia</i>		<i>19.30 - S.M. a La Plí</i>
MERTESC - 23.05.2023 <i>Berto</i>	7.30	S. Mëssa di scolari en onur de S. Maria + Jule Sottrovisch <i>Corona de má</i>
MERCUI - 24.05.2023 <i>De mondial d'oraziun por la dlijia tla Cina - Ester, Dagmar</i>		---
JÖBIA - 25.05.2023 <i>Beda, Gregor VII., Maria Magdalena da Pazzi</i>		<i>7.30 - S.Mëssa a Rina</i>
VËNDRES - 26.05.2023 <i>Filip Neri, Maria Anna</i>		<i>7.30 - S.Mëssa a Al Plan</i>
SABEDA - 27.05.2023 <i>Augustin da Canterbury, Bruno</i>		<i>7.30 - S.Mëssa a La Plí 18.00 S.Mëssa prefestiva a Al Plan</i>
GRAN FESTA DE PASCA DE MA - 28.05.2023 <i>German, Wilhelm</i>	9:30 10:00	Corona Gran Mëssa solëna por la comunité por familia Chizzali Paul y Lucia en onur di S. Angeli custodi aniv. + Heinrich Frenner aniv. + Moritz Prada + Pire Devall + Steffi Zingerle ++ Emmi Gehrig y Edith Prousch + Klaus Winkler ++ Germano y Maria Frontull

Mësses a San Martin:	Dom 8.15	Dedol 8.30	Dom 9.30
-----------------------------	----------	------------	----------



Informaziuns y terminns

La defunta Pezzei Aiarei Rosalia á lascé ala Cöra d'Antermëia na spënorá de 1.000,00 € - dilan y Dî til paies!

Tru dla Crejima: La festa dla Crejima sará ai 27 de aurí 2025. I jogn y les jones che á complí por dailó i 16 agn y che ó jí chësc tru nü dla Crejima, mëss fa personalmënter l'iscriziun pro siur Klaus. Le de plü avisa vëgn ciamo lascé alsavëi.

OLIMPIADES DI MINISTRANC 2023 - En chësc ann vëgnel indô organisé les olimpiades di ministranc, por ringrazié i ministranc por le gran sorvisc che ai fej dôt l'ann tles ploanies. An s'incuntará ai 23/07/2023, dales 08:45 tl ciamp dl sport a La Ila y dales 09:00 metaran man cun na picera defilada y dedô atira la Santa Mëssa. Dô la Santa Mëssa ará i partezipanc l'ocajiu da tó pert a de vigni sort de jüc, sciöche soghé al palé, jüc d'abilité, stafëta, basket y ii. Iscriziuns y deplü informaziuns pro i surastanc di paisc.

Le grup de laur "Localize it" præia dër bel da tó pert ala inrescida che ciafëies sot a chësc link: https://docs.google.com/forms/d/e/1FAIpQLScdWCwBHbPKiBiXgNL4MmxjHG1yeEEoW KgJnxjdjmkO7LVCxA/viewform?usp=sf_link . Do la inrescida sura le consum de alcol y de atres sostanzes danter i jogn y les jones dla Val Badia, mët le grup "Localize-it" (Comuns dla Val Badia, Raiun Sozial, Intendënza Ladina, Sorvisc ai Jogn) a jí chësta inrescida sciöche proscimo vare dl proiet. Le obietif é chël de cöie adöm propostes y ideas por incentivé n consum de alcol plü responsabl danter nüsc jogn. La inrescida á na dorada de plü o manco 5 menüc. Dër bel dilan danfora dl tëmp, dla serieté y dantadöt dl aiüt.

COMUN - Interuziun sorvisc fornidöra ega a Antermëia - Al vëgn lascé al savëi che en dedolönesc, ai 23 de má mëssel gní saré jö dales 8.00 ales 18.00 la fornidöra d'ega a Antermëia deache al vëgn puzené fora da na firma aposta la condüta dl'ega danter Biëi y le zënter dl paisc.

DE INTERNAZIONAL DI MUSEUMS tl Museum Ladin Ursus ladinicus a San Ciascian - En domënia ai 21. de ma vëgnel festejé le DE INTERNAZIONAL DI MUSEUMS. En chësta ocajiu organisëia la cooperativa turistica Alta Badia adöm al Museum Ladin na manifestaziun tl Museum Ladin Ursus ladinicus a San Ciascian. Le program é ponsé por pici y gragn: al vëgn pité vijites menades tl Museum Ladin Ursus ladinicus y trëi laboratori creatifs por mitans y mituns inanter les 15:00 y les 18:00. Alaleria pon se gode n renfrësch, acompagné dala musiga dl duo Laura Willeit y Hubert Dorigatti. Les döes sëntes dl Museum Ladin – Ursus ladinicus a San Ciascian y Ciastel de Tor a San Martin de Tor – pita l'entrada debann dales 10:00 ales 18:00.


Le **Consëi de formaziun da San Martin** organisëia n referat dal titul: „Savëi co romené sö pó mudé túa vita“ cun Berta Pircher en mercui, ai 24 de ma dales 19:30 tl Istitut Ladin. Düc é bel inviá!



Als Christus zum Himmel fuhr,
wurde er König über die ganze
Erde. Als Christus zum Himmel
fuhr, senkte sich das Reich
Gottes tiefer auf die Erde herab.

Dietrich Bonhoeffer



David Kremer



LIZBMAC, 2018

Philipp Neri (ai 26 de má) è nasciü tl 1515 a Firenze y röia cun 21 agn a Roma. Dailó vírel na vita feter sënza bojëgns. Ion ál sce al vëgn araté impü mat, y trasmët insciö che le monn impü sposté podess impo ester le monn salvé. Les porsones se confidëia ion a chësc “sant che s’la rí”.

“*Ciarede: Iö sun cun os, düc i dis éina ala fin dl monn.*” Le crëie a chëstes ultimes parores de Gejú che al dij tl vangele de Mateo, a chësta gran impormetöda cun chëra ch’al ortiëia i apostui fora por l’monn a insigné y a batié, foss aldedaincö da renové. Le monn á ghiré ti ultimi agn massa da nos. Co po pa les parores de Gejú sluminé danü? Al è ma un n tru: Fá avisa ci che Gejú á dit: incundé sües parores. Y cun l’anunziaziun crësc ince indô la crëta. Nia aspeté ala fede sterscia, mo vaghé la fede cun düc i dübi.

	23.05.2023	Raphael A. - Teo
	28.05.2023	Joel – Lisa – Thomas - Denise
	28.05.2023	Iaco Ellecosta

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it